



Inatsisartuni Ilaasortaq
Jens Napātôk', Naleraq
/Maani

Takornariaqarnerup qanoq isertitsissutigineqartarnera pillugu § 37 naapertorlugit apeqquteqaatinut nr. 202-mi akissutit

Asasara Jens Napātôk'

17-11-2022
Suliap normua 2022-
23113

Inatsisartut suleriaasianni § 37 naapertorlugu Naalakkersuisunut
apeqquteqaateqarputit takornariartitsisarnikkut isertitaasartut pillugit, kiisalu
takornariartartut aatsitassanik assigisaannillu katersaminnik annissortagaasa
qanoq naleqartigineri pillugit. Apeqqutigisatit uannut akisassanngorlugit
innersuunneqarsimapput.

Postboks 1601
3900 Nuuk
Tlf. (+299) 34 50 00
E-mail: isiin@nanoq.gl
www.naalakkersuisut.gl

Apeqqutigisatit ataasiakkaarlugit uani ataani issuarneqartarput, kingornagullu
akissuteqarfigineqartarlutik.

Apeqqut 1: Pisariaqalerpoq nunatsinni innuttaasuusut paasitissallugit takornariaqarnek qanoq nunatta isertitaqaatigitigivaa aningaasanik?

- a) Takornarissat umiarsuarnut ilaasut qanoq isertitaqaataappat?
- b) Takornarissat pinngortitami takusassarsiorlutik tupperlutik angalasut qanoq
isertitaqaataappat?
- c) Takornarissat hotel-ini unnuisarfinnilu allani inissillutik takornariartut qanoq
isertitaqaataappat?

Apeqqummut akissummi aallaavigineqarput Visit Greenland-ip Kalaallit
Nunaanni Takornariartitsinermi kisitsisit paasissutissat pillugit nalunaarusiaa
2021-imeersoq. Kisitsisinik eqqoqqissaartunik nassaassaqaanngilaq
takornariartitsisarnerup nunatsinnut aningaasaqarnikkut qanoq
tunniussaqaartarnera pillugu. Taamaattumillu paasissutissat tunngaveqarlutik
Nunatsinni kisitsisinik naatsorsueqqissaartarfimmiit, Visit Greenland-imiit
amma Rambøll-imiit missingersuusianik, aallaaveqarlutillu kisitsisinik 2019-
imeersunik, piviusorsiornerpaamik assilissamik takutitsiviusut ukiup ilivitsup
ingerlanerani isertinneqartartunik, - nappaassuup corona-p kingunerisaanik
nunatta matuneqaannginneraneersunik.

Akissut:

- a) 46.633 umiarsuarnut takornariartaatinut ilaallutik takornariartut 2019-imi ataatsimut kaaviiartissimavaat 63,7 mio. kr. missaat.
Kaaviiartitani taakkunani ilaapput timmisartunut mittarfinnut aamma umiarsuarnut takornariartaatinut akitsuutit, kiisalu takornariartut angalaartarnerminni, tammajuitsussarsisarnerminni il. il. nunami akiliutigisartagaat.
- b) Kalaallit Nunaanni takornariartut naatsorsorneqartarput immikkoortuni nunami takornariartuni aamma umiarsuarnut takornariartaatinut ilaasuni. Taamaasillunilu immikkut suliaasunik naatsorsuuteqanngilaq takornariartunut pinngortitami takusassarsiorlutik tupperlutik angalasut.
- c) 57.996 -it nunami takornariartut 2019-imi ataatsimut kaaviiartippaat 651 mio. kr.-it missaat.
Kaaviiartitani taakkunani ilaapput timmisartunut umiarsuarnullu ilaanernut bilitsit, timmisartoqarfinnut akitsuutit, unnuinerit aamma nerisat, takusassarsiorlutik angalasartut, tammajuitsussarsiat il.il.

Apeqqu 2: Innuttaasut ataasiakkaat qanoq isertitaqaatigivaat takornarissat?

Akissut: Paasissutissanik soqanngilaq innuttaasut ataasiakkaat takornariartunik qanoq isertitsissuteqartarneri pillugit.

Apeqqu 3: Qanoq annertutigisumik naleqartigisunillu takornarissat nunatsinniit annissuippat, ujaqqanik pinnerasaasiassanik assigisaanillu?

Akissut: (Akissuteqarfigineqarpoq Aatsitassanut Inatsisillu Atuutinneqarneranut Naalackersuisoqarfimmit)

Innuttaasut ataasiakkaat nunaannarmi qaqqanilu aatsitassanik katersisinnaatitaanerit najugaqavissunut immikkut atuuttuvoq. Najugaqavissuunngitsut (assersuutigalugit takornariartut) ujaqqanik assigisaanillu nunaannarmi qaqqanilu katersueqqusaanngillat.

Takornariartullu ujaqqanik assigisaanillu najugaqavissuniit pisisinnaapput. Takornariartullu pisereernerminni qinnuteqarsinnaapput nunatta avataanut aatsitassamik annissinnaanermut akuersissummik. Takornariartup ujaqqanik assigisaanillu najugaqavissumit pisisimanerminut uppernarsaat takutissinnaappagu, uppernarsaat taanna atornerqarsinnaavoq.

Taamaattoqartillugulu immikkut avammut aallarussisinnaanermut akuersissut pisariaqartanngilaq.

Najugaqavissumiit pisinermut uppernarsaat (kwittering) uppernarsaatitut atorpeqarsinnaammat avammut aallarunneqartut tamarmik Aatsitassanut Aqutsisoqarfimmut qinnuteqarsimanermik tunngaveqartanngillat. Taamaattumillu Aatsitassanut Aqutsisoqarfimmi avammut aallarussanut uppernarsaatiniq tamarmiusunik peqartoqanngilaq.

Apeqquut 4: Nunatta sineriaani qanoq annertutigisumik nunamut niullutik katersisarpat ujaqqanik assigisaanillu?

- a) Nakkutigineqartarpat taamatut katersuisut ujaqqanik assigiinngitsunik?
- b) Akiliisinneqartarpat ujaqqat annissugaat pillugit?

Akissut: (Akissuteqarfigineqarpoq Aatsitassanut Inatsisillu Atuutinneqarneranut Naalackersuisoqarfimmit)

Najugaqavissuunngitsut (assersuutigalugu takornariartut) nunaannarmi qaqqanilu ujaqqanik assigisaanillu katerseqqusaanngillat.

Akuttunngitsumik Akileraartarnermut Aqutsisoqarfimmi nakkutilliinermik suliaqartut naammattoortarpaat inuit angalasut nunatsinniit aallalernerminni nassataminni ujaqqanik assigisaanillu inissiisimasut. Aatsitassanut Aqutsisoqarfik qanimut pitsaasumillu Akileraartarnermut Aqutsisoqarfimmiq suleqateqarput suliat tamakkua pillugit. Inuit pineqartut najugaqavissuunngikkaangata – uppernarsarsinnaanagulu ujaqqanik assigisaanillu nassatami najugaqavissumit pisiarisimamera, - suliani taamaattuni amerlanertigut arsaarinnittoqartarpoq.

Aatsitassanut Aqutsisoqarfiup nalilerpaa arsaarinnittarnerit amerlanersaat takornariartut akornanni katersisinnaanermut inerteqquteqarneranik ilisimasaqannginnermik tunngaveqartartut. Amerlasuutigullu pineqartarput ikittunnguit naleqanngitsullu ujaqqat takornariartup tammajuitsussamisut katersorsimasai.

Inussiarnersumik inuulluaqqusillunga



Vivian Motzfeldt

Nunanut Allanut, Inuussutissarsiornermut Niunernermullu Naalackersuisoq,